

EDITORIAL

## Isulong ang rebolusyonaryong kultura kag propaganda



**AP** *Kaundan*

YARA SA MADALUM NGA KRISIS ang pumuluyong Pilipino sa padayon nga pagsaka sang presyo sang mga nagapanguna nga balaklon kag serbisyo samtang nagapabilin nga manubo ang kita. Lapnagon ang kawad-on sang trabaho, gutom, burukrata nga korapsyon kag pasismo sang estado. Ang nahimo lang ni Marcos Jr sa pag-angkon sang gahum paagi sa wala huya nga pagpandaya amu ang ilabi nga himuslan kag pigoson ang pumuluyong Pilipino samtang nagatipon sang madamu nga manggad kag naghinabon sa krimen sang iya pamilya batok sa pumuluyo.

Ang tagumatayon nga malakolonyal kag malapyudal nga sistema nga nagdulot sa pinakamalala nga krisis sa Pilipinas amu man ang nagpatuhaw sang armado

nga pagbato. Ang nagalala nga krisis ang nagtulod sa pumuluyong Pilipino agud ilabi nga mahangpan nga makatarunganon kag kinahanglanon ang banas sa demokratiko nga rebolusyon sang banwa agud dugmukon ang imperyalismo, pyudalismo kag burukrata kapitalismo.

Ang nagaluntad nga pamulitika kag sosyo-ekonomiko nga kahimtangan ang nagapamtambok sa duta sa pagpamuklat, pag-organisa kag pagpahulag sa pinakamalapad nga isip sang pumuluyong Pilipino. Nagahatag ini sang paborable nga kondisyon para sa rebolusyonaryong kahublagan, sa pagpanguna sang Communist Party of the Philippines (CPP), agud bugkosen ang pigos

Editorial: Isulong ang rebolusyonaryong kultura kag propaganda, p1

Ano ang importansya sang hilikuton propaganda sa larangan gerilya?, p3  
Nakabato kami sa laye militar!, p4

18 ka aksyon militar sulod sa lima ka bulan, p5  
Joma Sison, ginsaluduhan sang NPA Negros, p6

145 ka insidente sang paglapas sa tawhanong kinamatarung sa lima ka bulan, p7

Pinasahi nga rebolusyonaryo sa iya nga panahon, p8  
Pagpadalom sa diyalektika, p8  
Kapaslawan sang kaaway komprehensibo nga kadalagan sang Pulang hangaway, p9  
Balita sa Isla, p10

Legasiya nga nagpabilin kag ipadayon, p12

Ano ang amoebiasis?, p13  
AMBAHANON: Singgit Namon Hustisya, p14

*"Isulong..." sundan sa pahina 2*

"Isulong..." halin sa pahina 1

nga sahi sang mga mamumugon, mangunguma, peti-burgesya sa kasyudaran kag pungsodnon burgesya padulong sa nagasingki nga pungsodnon demokratiko nga rebolusyon paagi sa pangmalawigon nga inaway banwa batok sa rehimen US-Marcos II.

Sa isla sang Negros, ang nagahari nga hubon nila Marcos-Duterte desperado nga nagtinguha apang nagakapaslaw sa pagwasak sang rebolusyonaryong kahublagan. Ginapamatud-an ini sang wala kinutuban nga suporta sang pumuluyo sa New People's Army (NPA) nga magasaulog sang ika-54 nga anibersaryo sang pagkatukod sini sa magaabot nga Marso 29.

Si Marcos Jr kag ang iya nga paksyon sang mga kawatan kag mga berdugo naglunsar sang ila mapiguson nga mahigko nga gyera batok sa pumuluyo. Ginagamit nila ang kontra-insurhensiya nga estratehiya nga nagapatuman sang *triad operations* sang *intelligence*, *psywar* kag kombatan nga mga operasyon. Ginlaragway ini sa grabe ka baskog nga militarisasyon sa kabukiran, lapnagon nga pagpang-abuso sa tawhanon nga kinamatarung kag pagpamatay nga wala sang akawntabilidad, kampanya sa pagpakamalaot sa rebolusyonaryong kahublagan, pwersahan kag peke nga "nagsurender nga NPA," ma-pintas nga redtagging, kag du-gang nga pagpang-atake kontra sa lehitimo nga pagpamatok.

Sa patag sang propaganda, ginagamit ang mga mapaniplang nga taktika kag pag-armas sa peke nga mga balita kag disimpormasyon agud mapatihan ang ginapabugal sang rehimen nga "pagdaug sa gyera" batok sa rebolusyonaryo nga kahublagan. Ginaatake nila ang mga tagpamahayag, institusyon sang mga midya kag mga grupo sibiko nga naga-

pamatok sa ila agud nga monopolyon ang diskurso publiko. Nagagamit ini sang *mass media* kag *online platforms* agud maghimo sang peke nga klima sang "kauswagan."

Sa sini nga panahon sang nagasingki nga pagpang-ipit kag pagpamugong, kinahanglanon nga palapnagon ang mga grupo nga pangkultura kag pampropaganda kag hilikutan pangkultura. Natun-an naton kon paano ang CPP kag ang pungsodnon demokratiko nga kahublagan nakaangkon sang pag-abante, pagdako kag pagbasog sa panahon antes pa ang laye militar kag sang laye militar sa pangginahom sang diktador nga si Marcos.

Ang pagsaulog sa ika-50 ka tuig sang Ang Paghimakas ang nagakaigo nga pahanumdom kon ano ka mahinungdanon ang hilikutan propaganda kag kultural sa pagsulong sang inaway banwa. Una nga nabalhag pila ka bulan pagkatapos sang deklarasyon sang laye militar sang Setyembre 1972, ginpakita sini ang pagpamatok sang mga Negrosanon sa diktadurya ni Marcos kag sang ila determinasyon nga tukuron ang rebolusyonaryong kahublagan kag ang NPA sa isla.

Sa aton pagsaulog sang ika-50 nga anibersaryo sang Ang Paghimakas, sa liwat aton mapamatud-an nga wala pulos ang pagtinguha sang pasista nga rehimen nga pahipuson kita. Ang pagbato sang pumuluyo batok sa rehimen ang magapatuhaw, magahurma kag magapabakud sa mga bag-o nga propagandista kag mga aktibista pangkultura.


Kinahanglan magasakdag sa kawsa sa masang pigos kag ginahimuslan ang mas madamu nga mga artista, manunulat, kag mga mamumugon pangkultura paagi sa mga kanta, tula, saot, pinta, drowing, kag iban pa nga mga buhat sang arte. Kinahanglan nga himuon nga prayoridad ang mga

tema pareho sang problema sa agraryo, dumuluong nga pang-ekonomiko nga pagpangawat, paghimakas sang pagpamugon, pag-abuso sa kinamatarung sang kababainhan kag kabataan kag kahalitan sa palibot samtang ginapabutyag ang handum para sa matuod nga pagbag-o kag rebolusyonaryo nga kapuslanan.

Ang pangkultura kag artistiko nga mga aktibidad ang nagakaangay nga padayon nga mag-uswag sa bilog nga isla sang Negros sa nagkalain-lain nga porma, kadamuon kag kalidad. Sa taga ka prenteng gerilya, dapat nga magabalhag sang pungsodnon, rehiyunal, kag lokal nga mga publikasyon, kag mga literari dyornal nga mag-unod sang mga literari kag artistiko nga mga obra sang mga rebolusyonaryong tig-sulat kag mga artista samtang nagapalapnag man sang mga


"Isulong..." sundan sa pahina 3

PEBRERO 2023




**ANG Paghimakas**

Nagapasalamat ang *Ang Paghimakas* sa mga kontribusyon agud mangin madinalag-on ang ini nga isyu. Sa pagpauswag sang aton *Ang Paghimakas*, ginapangabay sa tanan nga bumalasa nga padayon nga mag-amot sang mga balita, piktyur, istorya kag iban pa nga sinulat. Nagapangayo man kami sang inyo mga suhestyon kag komentaryo paano pa gid ini pauswagon.



angpaghimakas@protonmail.com



negrosrevportal.wordpress.com


"Isulong..." halin sa pahina 2

balita kag impormasyon bahin sa rebolusyonaryong pwersa. Ang pagpanagtag kag pagpasalupsop sang sini nga mga materyal ang kinahanglan man ipasiguro.

May kakinahanglanon sa padayon kag maukod nga pagsistematisa kag pagpatuman sang hilikuton pangkultura. Ini kinahanglan itigayon kadungan sa sistematiko nga sosyal nga imbestigasyon, integrasyon sa masa, kag pag-organisa sa masa dira sa mga komunidad sa syudad kag kaumhan, sa paktoryahan kag sa eskwelahan. Ang pagpatuman sang hilikuton propaganda kag pangkultura sa tunga sa masa ang nagkinahanglan sang paggamit sang linyang masa.

Kinahanglanon nga gamiton kag maksimisahan ang *internet* kag multimidya bilang pinakamadasig nga pamaagi sang komunikasyon kag propaganda agud malab-ot ang bilog nga publiko. Hatagan sang dako nga bili ang pagkadto sa masa sa tuyo sang pagpukaw, pag-organisa kag pagpahulag sa pumuluyo batok sa reaksyunaryo nga rehimen. Dapat nga magserbe ang aton hilikuton propaganda sa pagpabakod sang aton organisasyon, sa pagsuporta sa paghimakas sang pumuluyo kag sa pagtukod sang nagahiliugyon nga prente agud paslawon si Marcos Jr.

Upod ang panibag-o nga kusog, ang Partido ang lubos nga may ikasarang nga pamunuan ang demokratiko nga rebolusyon sang banwa pakadto sa kadalagan. **AP**



## Ano ang importansya sang hilikuton propaganda sa larangan gerilya?

MALAHALON ANG PROPAGANDA PARA SA pagpamuklat, pagorganisa kag pagpahulag sang masa. Sa nagkagrabe kag nagasingki nga atake sang kaaway, ara ang kabalaka sang masa bangud sa pagpamahug sang pasistang Armed Forces of the Philippines (AFP) kag Philippine National Police (PNP) nga halitan sila kon magsuporta sa NPA.

Sa isa ka larangan gerilya sa Negros, naglunsar sang isa ka kontrakampanya para sa pag-atubang sang pag-atake sang AFP/PNP. Daku ang nahimo nga papel sa propaganda sa pagpaathag kag pagpa-isog: sa hanay sang NPA, agud mas pursigido kag determinado nga mag-atubang sa pintas nga atake sang kaaway sa pihak sang madamu nga mga sakripisyo kag kabudlayan nga naagyan kag madepensahan ang pumuluyo batok sa mapangwasak nga disenyo sang atake militar; sa hanay sang masa, para mahanda sila kon ano ang nagakaangay nga himuon atubangan sa pagpamahug sang pasista nga AFP/PNP.

Pipila sang mga paghanda amu ang miting sang mga organisasyon masa para sa pagpahangop sa ila sa importansya sang paghiliusa sang pumuluyo; pagpaduso sang kinamatarung sang pumuluyo kon pig-oton sang kaaway; pagbuyagyag sa medya kag pagpa-blotter sang mga paglapas sang tawhanon nga kinamatarung; kag pagdangop sa mga *local government unit* kag sa mga tawong simbahan agud mapangayoan sang bulig.

Nagbulig man ang masa para sa pagsubaybay sang hulag sang kaaway kag pagreport sini sa NPA. Sa ekonomiya nga aspeto, ara ang ila suporta bisan ano ang ila mahatag para sa pagsustine sa kontrakampanya.

Napamatud-an nga ara ang entusyasmong sang masa sa pagsuporta sa bilog nga kontrakampanya. Ang pagpahangop kag pagpaisog sa ila angot sa kamalahalon sa ila hiliusa nga kusog naghatag sang hangkat sa padayon nga pagbulig sa ila matuod nga hangaway.

Bisan pila ka tion nga balik-balikan sang kaaway pero indi nila malingkang ang kabakod sang panindugan sang masa nga magsuporta sa NPA nga amu lang ang matuod nga nagerbisyo para sa ila interes agud maangkon ang kahilwayan. **AP**



# Nakabato kami sa laye militar!

*Sugpon sa nauna nga interbyu kay Ka Luis Jalandoni nga ginpaggwa sang Ang Paghimakas sadtong Setyembre 2022*

**1. Sa inyo nga eksperyensya, ano ang nangin papel sang hilikuton propaganda kag hilikuton kultural sa rebolusyonaryo nga kahublagan sa Negros?**

Ang hilikuton propaganda kag kultural sa rebolusyonaryo nga kahublagan sa Negros esensyal gid. Kinahanglan ini para sa pagpabaskug, pag-abanse sang rebolusyon sa Negros.

Halin sa sugod, kinahanglan gid ang trabaho nga edukasyon. Sa madamu nga mga organisado nga mga miting sa mga mamumugon kag mga mangunguma *settler* sa Negros, kinahanglan gid halin sa sugod ang edukasyon kag propaganda.

Ang mga sulat ni Ka Joma, epektibo gid, labi na ang "*Philippine Society and Revolution*" (PSR, Sosyedad kag Rebolusyon Pilipino). Sa mga mangunguma *settler* sa kabukiran sa Negros, ini nga pagdiskusyon sang mga punto ni Ka Joma, nangin mabakud nga haligi sang edukasyon. Sa mga martsa kag iban pa nga aktibidad nga protesta, ara gid ang mga plakards, mga singgit sang mga mamumugon kag mga mangunguma nga *settler*.


**2. Sang gindeklara ni Marcos Sr ang laye militar sadtong 1972, ikaw man kuno ang nangin una nga editor sang Ang Paghimakas? Mahimo bala nga imo mapaambit ang mga sirkumstansya sini? Pila ang una nga mga napaggwa, paano ini gin-impronta kag ginpanagtag hasta nakalab-ot sa masa?**

**San-o gid ang eksakto nga petsa sang una nga pagpaggwa sang Ang Paghimakas kon madumduman mo pa?**

Sa akon madumduman, mga Nobyembre ukon Disyembre sang 1972 nagsugod kami sang una nga isyu sang Paghimakas. Didto ako sa balay ni Fr. Pelobello. Halin ako sa pagbisita sa kabukiran sang East Negros kon diin ginbaton ako kag ginbuligan sang mga mangunguma *settler*. Tungud nga may peligro nga mahi-bal-an sang kaaway ang lugar sang mga mangunguma *settler* nga nagbaton kag nagbulig sa akon, nagbalik ako sa Bacolod kag didto ako kay Fr. Pelobello nagtener.

Samtang didto ako, nagdesisyon ako nga kinahanglan magpaggwa sang propaganda, para pakamalauton ang laye militar ni Marcos kag ipakita nga nagabato gid ang pumuluyo. Sa sini nga panahon, daku gid ang pag-anunsyo ni Marcos nga pagdakop sang mga *anti-martial law*. Amo na, nga daw kadaku gid sang pagpahug niya nga dakpon gid kag presohon ang magakontra sa diktadurya.

Si Fr. Pelobello ang ginlihog namon nga magbakal sang mga *bond paper*. Siya man ang ginlihog namon nga mag-usar sang iya *mimeo machine* (makina sa pag-impronta). Nakakuha man kami sang mga *stencils* (gamit sa pag-impronta). Duha ka aktibista nga seminarista ang nagbulig. May isa nga kahibalo magdrowing sa



*stencils.*

Sekreto gid ang paghimo sang una nga edisyon sang Paghimakas. May balita sa una nga pahina sa mga kadalag-an sang NPA sa mga probinsya sa Luzon. Dason, tungud sa amon nga pagkuha sang impormasyon sa mga naga-obra sa merkado, ginbutang namon ang mga detalye sang mga presyo sang bugas, isda, kag utan.

Pila lang ka gatos ang amon na impronta. Pero ang pamatyag namon, daku na kadalag-an ang nahimo namon. Nakabato kami sa laye militar! Nabalitaan namon ang pagbaton sang pumuluyo sa mga aksyon sang mga NPA.

Si Mamang (isa ka kaupod) kag iban pa nga aktibista sa pamilya niya, kag ang mga aktibistang seminarista, ang nagpanagtag sang Paghimakas. Ginpanagtag, siyempre sa sekreto, ang mga kopya sang Paghimakas. Ginpanagtag sa mga naga-obra kag nagabaligya sa merkado, sa mga simbahan, kag sa mga bus.

Ang mga tindera, nga nagbaton nga wala kahadluk, positibo gid ang ila pagbaton. Ila pa ginhatag sa ila mga kilala nga tindera kag iban pa nga kilala. Natingala kami nga daw wala

*"Nakabato..." sundan sa pahina 5*



## #NPANegrosOffensives

# 18 ka aksyon militar sulod sa lima ka bulan

NAKATIGAYON SANG DUHA KA AMBUS, 10 ka operasyon isnayping kag anum ka *harassment* ang mga larangan gerilya idalum sa Apolinario Gatmaitan Command -New People's Army (AGC-NPA) Negros Island. Indi magnubo sa 22 ang patay kag 22 ang pilason sang mga berdugo nga militar halin Oktobre 2022 tubtob Pebrero 2023. Nakakumpiska sang anum ka manubo nga armas, isa ka

*shotgun*, mga magasin kag bala.

Gin-ambus sang NPA idalum sang Mt. Cansermon Command (MCC-NPA) ang nag-operasyon nga tropa sang 94th IB sa Sityo Malangsa, Brgy. Carabalan, Himamaylan City, Negros Occidental sadtong Oktubre 8, 2022. Indi magnubo sa duha ang patay sang militar samtang anum ang pilason.

Subongman gin-ambus sang NPA idalum sa Armando Suma-

yang Jr Command (ASJC-NPA) ang duha ka *combat intel* sang 47th IB nga ginkilala nga sila si Staff Sergeant Ken Camelan kag Sergeant Regie Glendro sadtong Nobyembre 24, 2022 samtang nagsakay sang motor sa Sityo Camboguiot, Brgy. Camindangan, Sipalay City, Negros Occidental. Nakuhaan sila sang duha ka .45 kalibre nga armas kag mga bala, tatlo ka magasin, duha ka *android cellphones* kag isa ka granada.

Suno kay Ka Andrea Guerrero, tigpamaba sang ASJC-NPA, ang duha ang responsable sa pag-ambus kay Renter Vargas (Ka Bred) sadtong Marso 2019 sa Brgy. Maricalum, Sipalay City.

"18 ka aksyon..." *sundan sa pahina 6*



"Nakabato..." *halin sa pahina 4*

sila nahadluk! Daku gid ang ila pag-apresyar nga ang mga presyo sang ila ginabaligya nga isda, bugas kag utan naggwa sa Paghimakas! Ang pagpanagtag sa mga simbahan kag sa mga bus, wala kami ka baton sang *feedback* (komentaryo).

Tungud kay nag-abot na si Ka Pendong (Edmundo Legislador) halin sa Panay, kag gintukod na ang Special Negros Party Secretariat (SNPS), nga may lain-lain nga kinahanglanon nga hilikuton, wala na kami nakasigi sa Paghimakas.

Mga duha lang ka isyu ang napaggwa.

**3. Ano ang nanging papel sang Ang Paghimakas agud mapukaw, ma-organisa kag mapahulag ang masang anakbalhas sa Negros**

### sini nga panahon?

Para sa amon, daku ang bu-lig sa pagpabaskug sang moral. Makita sang pumuluyo nga may organisasyon nga nagabato kag may armado nga pagbato, ang NPA, kag luyag nila nga may im-portansya nga ginahatag sa or-dinaryo kag kada-adlaw nga trabaho nila.

Ang SNPS naghatag sang komprehensibo nga pagtan-aw sa lain-lain nga rebolusyonaryo nga hilikuton sa Negros: ang propaganda, ang pag-abri sang mga lugar para magpreparar sa pag-organisa kag para i-pre-parar ang pag-umpisa sang NPA.

**4. Ano ang inyo hangkat sa su-bong nga mga propagandista kag cultural worker (mamugon pangkultura) ilabi na sa pag-usbong naman sa grabe nga pasismo kag kakugmat sa**

### pungsod?

Amu man gihapon. Ang aton rebolusyonaryo nga trabaho kinahanglan nga pabaskugon pa gid. Ang rehimen ni diktador nga Marcos napahalin naton. Ginpalapta na naton ang armadong paghimakas sa sobra 110 ka lara-ngan gerilya sa 74 ka probinsya sa *total* nga 85 ka probinsya sa Pilipinas! Sa Negros, ang rebolusyonaryo nga paghimakas aktibo subong kag sa madamu nga mga probinsya.

Ang mga kadalag-an sang mga kaupod, mga sakripisyo, mga mahal nga martir kag mga baganihan naton, ang ila inspirasyon naga-hatag sang kabaskug sa aton.

Ang Rebolusyonaryo nga Gobyerno sa bug-os nga Pilipinas nagasige pabaskug, nagabato kag nagakontra sa Gobyerno nga kontra-mamugon, mangunguma, kag kontra sa pumuluyo! **RP**

# Joma Sison, ginsaluduhan sang NPA Negros

NAGPATIGAYON SANG 21-GUN SALUTE ANG mga larangan gerilya idalum sang AGC-NPA para sa pag-pasidungog kay Kaupod Jose Maria Sison, isa ka dungganon nga komunista kag tagapundar nga tagapangulo sang CPP. Napatay si Ka Joma sadtong Disyembre 16, 2022 bangud sang sakit. Tubtob sa ulihi niya nga gin-hawa, bahin gihapon sa pagsiguro sang pagdaug sang rebolusyon kag pag-abante sang sosyalismo ang iya mga ginhambal.

Naghiwat man para sa ika-54 nga anibersaryo sang CPP ang tagsa ka larangan gerilya sadtong Disyembre 26, 2022. Ang ila mga programa gintambongan sang mga katapo sang Partido, mga Pulang kumander kag hangaway, kag mga rebolusyonaryong pwera.

Daku nga kapaslawan sang re-himen US-Marcos Jr ang pagtinguha nga pungan ang Partido nga maka-hiwat sang amu nga selebrasyon bangud natigayon ini nga wala sang sablag.

Ginhatagan man sang AGC-NPA sang pasidungog ang tanan nga mga rebolusyonaryo nga martir nga nag-halad sang ila bilog nga kabuhi sa rebolusyon agud mahilway ang pumu-luyo sa pagpanghimulos kag pag-pamigos. **AP**



"18 ka aksyon..." halin sa pahina 5

Ginpahug man nila ang ila ginapatihan nga mga pamilya sang NPA kag ginpilit nga mangin instrumento sa ila nga kampanya. Nagpamahug man sa mga pumuluyo kag nagpangsaka sa mga balay sang tungang gab-i bangud ginpasibangdan nila nga mga nagsuporta sa NPA.

Duha ka higayon nga ginparalisa sang mga katapu sang Roselyn Jean Pelle Command (RJPC-NPA) ang mga trak nga ginpanag-iyahan ni Teotimo "Tim" Ballesteros, isa ka daku nga agalon mayduta sa North Negros. Duha ka trak ang ginparalisa sa mga Pulang hangaway sadtong Disyembre 14, 2022 sa Sityo Proper, Brgy. Tabun-ac, Toboso, Negros Occidental. Samtang dugang tatlo ka trak ang ginparalisa sang RJPC-NPA sa Sityo Carbon, San Isidro, Toboso pipila ka minutos matapos ang tungang gab-i sang Disyembre 26, 2022.

Suno pa kay Ka Cecil Estrella, tigpamaba sang RJPC-NPA, si Ballesteros nag-atubang sang madamu nga reklamo angot sa wala paghatag sang nagakaigo nga benepisyo kag manubo nga suhulan sa iya mga mamumugon sa uma, pagpang-agaw sang duta kag paggamit sang *goons* para sa pagpamahug kag intimidasyon sa pumuluyo.

Tatlo ang patay kag pito ang pilason sang mga katapo sang 15th IB sa natabo nga engkwentro sa tunga sang ASJC-NPA kag sa berdugo nga militar sadtong Enero 18 sa Sityo Malipayon, Brgy. San Jose, Sipalay City. Wala man sang nahalitan sa mga Pulang hangaway matapos nga aktibo nga nakuha ang inisyatiba kag hilway man nga nakamaniobra sa 10 ka minutos nga inaway. Indi matuod ang ginpaggwa sang 15th IB sang AFP nga may isa pa ka engkwentro nga nagluntad sa Brgy. Camalandaan, Cauayan, Negros Occidental sang alas 11:00 sang aga sa amu gihapon nga adlaw. Mga sibilyan ang ila gintiro kag ginpaggwa lang nga isa ka engkwentro.

Gindis-armahan sang Leonardo Panaligan Command (LPC-NPA) si Noletto "Noleng" Hermoso sa Sityo Inatito, Brgy. Bucalan, Canlaon City, Negros Oriental sadtong Pebrero 21 alas 7:00 sang gab-i. Nakakumpiska sila sang apat ka .45 kalibre nga armas kag isa ka 12-gauge shotgun, mga magasin kag mga bala sa posesyon ni Hermoso.

Si Hermoso ang taghupot sang ilegal nga armas. Nagapalupok kag nagapamahug siya sa iya mga katupad nga balay. Pila na siya ka beses nga ginpaandaman sang NPA apang wala nagabag-o rason nga ginpatuman sang NPA ang pagdis-arma upod ang mabaskog nga pagpaandam sa iya. **AP**



# 145 ka insidente sang paglapas sa tawhanon nga kinamatarung sa lima ka bulan


NAGPADAYON ANG MASUPOG NGA KAMPANYA kontra-insurhensya nga ginpatuman sang ginkombinar nga pwersa sang AFP kag PNP nga may ara 145 ka insidente sang paglapas sa tawhanon nga kinamatarung kon sa diin kapin kon kulang 20,000 ka indibidwal ang nabiktima base sa natala sang Ang Paghimakas halin sa bulan sang Oktobre 2022 tubtob Pebrero 2023. Ini nagpakita nga mas naglala ang paglapas sang tawhanon nga kinamatarung idalum sa rehimen ni Marcos Jr.

Brutal nga ginpatay sang mga berdugo nga pwersa sang 94th IB kag 47th IB sanday Ericson Acosta kag Joseph Jimenez sa Sityo Makilo, Brgy. Kamansi, Kabankalan City, Negros Occidental, alas-2:00 sang aga, Nobyembre 30, 2022 matapos ginistraping ang balay sang pamilya Francisco nga ila nga gintineran. Nakaagum sila sang pagtortur sa wala pa sila ginpatay.

Suno pa kay Ka Bayani Obrero, tigpamaba sang National Democratic Front (NDF)-Negros, isa ini ka peke nga engkwentro nga *script* nga ginpangunahan ni BGen. Benedict Arevalo, 3rd ID *Commander* sang ini nga panahon, agud hinabonan ang ila mga krimen.

Ginkilala si Acosta bilang isa ka rebolusyonaryo, propagandista, mamalaybay, manugsulat sang kanta, dyornalista, kag artista. Samtang si Jimenez isa ka lokal nga tig-organisa sang mangu-nguma sa Barangay Camansi. Si Jimenez ika-pito nga mangunguma sa isla nga ginpatay sang mga pwersa sang estado sugod sa pagpungko ni Marcos Jr.

Natala ang apat ka mga kaso sang paglapas sang tawhanon nga



kinamatarung sang *hors de combat*. Nag-agum sang menor nga kapilasan kag buhi pa sila Janhel Sarsa (Ka Jorge) kag Mario Baldosa (Ka Jekoy) matapos ang 30 minutos nga engkwentro apang gintiro sila sang mga soldado sang 62nd IB tubtob namatay sadtong Nobyembre 28, 2022 sa Sityo Binataan, Brgy. Quintin Remo, Moises Padilla, Negros Occidental.

Samtang sadtong Pebrero 4, alas 4:00 sang hapon, gindakop sang 94th IB sanday Arjen Mahinay (Ka Nonong) kag Junjun Callet (Ka Ruben) sa wala pa ang engkwentro sa tunga sang MCC-NPA kag 94th IB sa Sityo Mugni, Brgy. Oringao, Kabankalan City. Ginpatay sila nga wala ikabato. Sini nga panahon, na-stroke si Ka Nonong kag gin-atipan siya ni Ka Ruben. Ginpatay man ang mangunguma nga si Joemari Calumba sa amu gihapon nga adlaw. Nagpuyo siya lapit sa ginengkwentrohan kag naglawig lang sa iya karabaw sang gindakop sang militar kag ginpatay.

Ginkuha sang pila ka katapu sang 94th IB ang 14-anyos nga si Jelca Ariola sa Sityo Suba-

Suay, Brgy. Mahalang, Himamaylan City sadtong Nobyembre 14, 2022. Gin-imbestigar ang menor-de-edad kon diin ang iya nga mga pamilya nga gin-alegar sang mga suldado nga mga katapu sang NPA kag ginpahug nga prisohon kon indi magsugid. Gindetiner siya sang pila ka oras antes ginpapauli sa ila balay.

Apat ka insidente sang patarasak nga pagpangbomba ang ginhimo sang 94th IB. Ikaduha ka higayon nga ginbombahan ang mga kabalayan sa Sityo Sig-ang, Brgy. Carabalan, Himamaylan City sadtong Oktobre 8, 2022 kag pilit nga nagpabakwit sang 18,000 ka pumuluyo.

Samtang, ginbombahan sang militar ang mga kabalayan sa Sityo Mugni, Brgy. Oringao, Kabankalan City sadtong Pebrero 4 matapos ang engkwentro sa tunga sang MCC-NPA kag 94th IB. Nakadis-lokar ini sang masobra 800 ka pumuluyo. Liwat nila nga ginbombahan ang mga sityo sang Bunyoron kag Tampukon sa amu gihapon nga lugar sa masunod nga adlaw.

"145 ka insidente..." sundan sa pahina 10



## ISKULHAWES

## Pinasahi nga rebolusyonaryo sa iya nga panahon

Naglunsar ang pumuluyong Tsino sang inaway banwa nga nagpahilway sa ila bug-os nga pungsod sadtong 1949. Ikaapat nga bahin sila sa populasyon sang bilog kalibutan. Nakakilala bala kita sa dungganon nga komunista nga intsik nga maalamon nga namuno sa ila ginlunsar nga demokratiko nga rebolusyon sang banwa?

Wala sang liwan kundi si Kaupod Mao Zedong.

Nabun-ag si Kaupod Mao sadtong Disyembre 26, 1893. Subang siya sa apat ka magulutod sa isa ka pamilya nga manggaranon nga mangunguma. Solterito si Mao sang naglayas siya sa ila balay bangud sa iya indi pag-uyon sa ginkasugtan sang iya ginikanan nga kaminyuon. Gintapos niya ang kurso nga edukasyon sa iya kaugalingon nga

paninguha. Apang wala siya nangin titser sulod sa eskwelahan bangud ginhalad na niya sa pumuluyo kag rebolusyon ang iya bilog nga kabuhi bilang dungganon nga komunistang manunudlo sa rebolusyon.

Bantugon sa kalibutan ilabi na sa Rebolusyon Pilipino ang teorya kag praktika ni Kaupod Mao sa demokratiko nga rebolusyon sang banwa paagi sa estratehiya kag taktika sang pangmalawigon nga inaway banwa nga ginalunsar sa isa ka malakolonyal kag malapyudal nga sistema. Ginpamatud-an ini sa praktika sang Rebolusyong Tsino.

Indi gid manegar nga si Kaupod Mao isa ka pinasahi nga rebolusyonaryo nga Marxista-Leninista sa iya nga panahon. Iya nga ginpanubli, gintib-ong, ginpangapinan kag ginpauswag



ang teorya kag praktika sang Marxismo-Leninismo kag gindala ini sa mas mataas nga lebel kag ang iya mga amot ginkilala naton bilang ikatatlo nga pag-uswag sang Marxismo—ang Maoismo.

Namatay si Kaupod Mao sa edad nga 86 anyos sadtong Setyembre 13, 1976. **RP**

## Pagpadalom sa diyalektika

BATID SI KAUPOD MAO ZEDONG sa iya panahon sa pagsakabuhi sa Marxista nga panindugan, pananawan kag metodo sa pag-atubang sa mga lain-lain nga hambalanon sa pagrebolusyon. Gani, isa sa pinakasignipikante nga amot ni Kaupod Mao nga nangin importante man nga haligi sang Marxismo-Leninismo amu ang pagpadalum sa diyalektika nga ginsugdan ni Marx kag Engels kag ginpauswag ni Lenin.

Maalam nga ginpauswag ni Kaupod Mao ang hambalanon sa diyalektika paagi sa iya tatlo ka sinulat angot sini: Tuhoy sa Praktika (Hulyo 1937), Tuhoy sa Kontradiksyon (Agosto 1937) kag Diin naghalin ang husto nga ideya?

(May 1963).

Sa aktwal naton nga praktika, gingamit naton ang diyalektika sa aton ideolohikal nga hilikuton pareho sang paghimo sang mga SICA (*Social Investigation and Class Analysis*), paglunsar sang mga pagsuma kag pagtasa sa mga hilikuton kag obhetibo kag suhetibo nga sitwasyon. Proseso ini sa pagpasaka sa praktika pakadto sa teorya sandig sa iwag sang teorya nga ubay nga Marxismo-Leninismo-Maoismo. Yabe ini sa pagpabakud sa pang-ideolohiya amu man sa pulitika kag pang-organisasyonal nga konsolidasyon sa Partido.

Sa tatlo ka mga sinulatan, permi nga ginpahanumdom ni

Kaupod Mao ang kadelikaduhan nga mangin isa ka bahin, taphaw kag eksternal lang ang pamaagi sa pagpaminsar bangud sigurado nga mahulog ini sa suhetibismo nga kasaypanan nga may duha ka dagway—ang empirismo kag dogmatismo. Malahalon nga tamdan sang kada katapu kag kadre sang Partido ang husto nga diyalektikal nga relasyon sang teorya kag praktika.

Subong, gina-integrar ang ini nga mga teorya angot sa diyalektika kag epistemolohiya ni Kaupod Mao sa mga kurikulum sang tatlo ka lebel nga kurso sang Partido. **RP**



## Kapaslawan sang kaaway komprehensibo nga kadalag-an sang Pulang hangaway

MADINALAG-ON NGA NAKON-SOLIDA ANG MGA katapu sang Partido, Hukbo kag rebolusyonaryong organisasyon masa idalum sang LPC-NPA Central Negros Guerrilla Front (LPC-NPA) sa tunga sang *heightened operational tempo* sang 303rd Infantry Brigade-Philippine Army sa isla.

Halin Disyembre 1, 2022 tub-tob Pebrero 20 nag-agum ang LPC-NPA sang tatlo ka kusog batalyon nga operasyon militar (200-400 ka tropa militar ang ginmobilisa) kag tatlo ka operasyon istrayk (60-100 ka tropa militar) nga nagperwisyo sa pumulyo sa kaumhan diin padayon ang pagbayolar sang ila tawhanon nga kinamatarung. Sa sini nga panahon, napabilin nga bulag kag bungol ang pasistang militar sa presensya sang NPA sa prenteng gerilya bangud sa suporta sang rebolusyonaryong masa.

Sa isa ka hilit nga lugar sa laranan, madinalag-on nga natigayon ang pagkonsolida sang Partido paagi sa konsentrado nga pagtuon sang Intermedyang Kurso sa Partido (IKP). Nakagradwar ang 10 ka lubos nga katapo kag kadre sang Partido sa sulod sang 13 ka adlaw. Nakalunsar man sang paghatag sang mataas nga pagpasidungog sa mga rebolusyonaryong martir ilabi na kay Ka Jose Maria Sison, *founding chairman* sang CPP. Lubos man nga ginkampanya sa sulod sang Hukbo kag rebolusyonaryong masa ang pagtuon sang opisyal nga pahayag sang Komite Sentral kaangot sa ika-54 nga anibersaryo sang Partido. Tuyo sini mahiliusa ang tanan nga katapo sang Partido ilabe na ang mga kadre kag opisyal sa pagpanguna sa pagtadlong sang mga nagapangu-

na nga kasaypanan sa ideolohiya, pulitika kag organisasyon sa espritu sang ikatatlo nga kahublagan panadlong. Dugang pa ang pagpakunot sang agtang sa pagpangibabaw sa *focused military operation* sang pasistang kaaway kag mapintas nga estado sang rehimen US-Marcos II.

Natigayon man ang konsentrado nga paghanas militar sa sulod sang masobra sa isa ka semana. Nakatapos sa nasambit nga paghanas ang 12 ka Pulang hangaway.

"Mas maayo gid nga ara kita sa sulod sang NPA para maarmasan sang kinaalam sang sandigan nga rebolusyonaryong prinsipyo kag makabalo kita sang mga teknik kag taktika sa pagpakig-away gerilya agud lutuson ang kaaway nga PNP kag AFP, kag kabilugan nga kaaway sa sahi kumparar sang ara sa gwa nga garuk nga katilingban nga mangin biktima lamang kita sang kapintas sang mga berdugong militar," suno kay Ka Jerry, isa sa mga bag-ong rekrut sang LPC-NPA.

Dugang pa niya nga "dapat armasan ta ang aton kaugalingon

sang politiko-militar nga ikasarang agud atubangon ang mga sakripisyo kag kabudlyan bilang Pulang hangaway kag lubos nga pangibabawan ang atake militar batok sa kabug-usan nga rebolusyonaryong kahublagan."

Matapos ang paghanas militar, halos isa ka tim ang nagsampa sa NPA. Madinalag-on man nga nakalunsar sang pito ka aksyon militar (tatlo ka silot kag apat ka operasyon isnayp) nga nagpahuyang sa pasistang kaaway kag naghawan sa lugar batok sa ila mga mata kag makinaryas.

Samtang idalum sa ASJC-NPA Southwest Negros Guerrilla Front, 28 naman ang nakatapos sang IKP nga ginlunsar man sa tunga sang nagasingki nga operasyon militar sini nga Pebrero 2023. **AP**





## Balita sa Isla

### Matuod nga reporma sa duta! Seguridad sa pagkaon!

Kasupisyente kag seguridad sa pagkaon ang panawagan sa komemorasyon sang *World Hunger Day* sadtong Oktubre 19, 2022 sang grupo sang mga pesante kag imol nga taga-syudad sa administrasyon ni Marcos Jr subong nga krisis sa produksyon.

Subongman, ginkomemorar sang mga pwersa sa agrikultura ang Bulan sang mga Pesante sang Oktubre 25, 2022 bitbit ang panawagan sang pagpanagtag sa kadutaan, pagpataas sang sweldo kag pagdula sang NTF-Elcac. Kadungan sini, ginkwestiyon sang grupo ang ulihi na nga pagpungku-anay sang gobyerno sa ginhiwat nga talakayan sang *Inter-Agency Committee on Extrajudicial Killings and Enforced Disappearances* sa madugay na nga nagaluntad nga paglapas sa tawhanon nga kina-matarung.

Ginkomemorar sang mga mangunguma ang ika-36 nga anibersaryo sang masaker sa Mendiola sang Enero 23 bitbit ang pagpanawagan sang hustisya para sa mga biktima sang EJK kag pagpatuman sang matuod nga reporma sa duta.

Nagkampuhan naman sang duha ka adlaw ang grupo sang mga mangunguma para sukton ang Department of Agrarian Reform (DAR) *Provincial Office* sa ila mahinay nga sabat sa isyu sang duta, Enero 30-31. Nakatigayon sang programa para makalahad ang mga lider mangu nguma sang ila sitwasyon sa lokal, kag nakipagdayalogo sila sa ikaduha nga adlaw. Kabahin sa programa ang pagpasidungog para kay Alexander Ceballos, una nga lider pesante nga ginpatay sang estado sa idalum ni Duterte sadtong Enero 2017.

### Presyo sang gatong, ipaubos! #NotoJeepneyPhaseout!

Naghiwat sang protesta ang mga drabyer sang dyip sadtong Oktubre 19, 2022 para kondanahon ang nagapadayon nga pag-saka sang presyo sang gatong kag implementasyon sang programa nga modernisasyon nga makaapekto sa kapin 3,000 ka magagmay nga mga opereytor kag drayber sa Bacolod City.

### Hustisya!

Naghiwat sang martsa-protesta ang mga progresibo nga grupo sa ikaapat nga anibersaryo sang pagpatay kay Atty. Ben Ramos, sa Kabankalan City, Nobyembre 6, 2022. Hustisya ang panawagan sang grupo, kag suno sa ila, wala pa sang klaro nga imbestigasyon nga ginhimo ang PNP parte sa brutal nga pagpatay sa abogado sang mangu nguma.

Naghiwat man sang isa ka aksyon-protesta ang mga progresibo nga grupo sadtong Disyembre 9,

"Balita..." sundan sa pahina 11

"145 ka insidente..." balin sa pahina 7

Sa Negros Occidental, ginpatay ang mangunguma nga si Jose Gonzalez sadtong Enero 9 sa Purok Maliko-liko, Sityo Cuna-lom, Brgy. Carabalan, Himamay-lan City. Ginpasibangdan siya nga katapo sang NPA.

Samtang, ginpang-arakan ang mga sibilyan sang mga tropa sang 15th IB sa banwa sang Cauayan sang alas 11:10 sang aga sa Enero 18 sa Brgy. Camalandaan. Pagkatapos, ginpabakwit ang halos 200 ka mga pamilya sa mga lapit nga eskwelahan kag gym, ginpatuman ang militarizado nga *lockdown* sa Brgy. Baclao kag sa mga sityo sang Tabon-tabon kag Malipayon sang Brgy. San Jose,

Sipalay City.

Lima ka mangunguma ang iligal nga gin-aresto sang 79th IB samtang apat ang iligal nga gindetiner, duha ang ginkastigo, kag isa ang ginpahug sang mga suldado sang 94th IB.

Sa Negros Oriental, ginpatay sang 62nd IB ang mga mangunguma nga sanday Victor Baldonado kag Orlando Fat sa magkatuhay nga mga insidente. Ginpatay si Baldonado sa Sityo Columbia, Brgy. Trinidad, Guihulngan City sadtong Nobyembre 21, 2022, alas-6:00 sang aga sa atubang sang iya asawa kag kabataan mismo sa ila puluy-an samtang si Fat ginpatay sa Sityo Banderahan sang amu gihapon nga barangay sadtong Enero 10.

Ang duha ginpasibangdan nga mga katapu sang NPA.

Isa ka mangunguma ang gintortyur kag isa ang gin-istraping ang balay sang mga tropa sang 62nd IB sa La Libertad kag Guihulngan City sang Nobyembre 14, 2022 kag Enero 15.

Ginbombahan man ang Mt. Cansanda sa boundary sang barangay Magsaysay kag Balugo, Guihulngan City, sadtong Oktubre 31, 2022, alas 5:30 tubtob alas 7:30 sang gab-i kon sa diin 12 ka dalagku nga lupok ang nabati-an sang mga pumuluyo. Bangud sang kahadlok, nagbakwit sila sang tungang gab-i nga wala sang padulngan. **RP**





"Balita..." halin sa pahina 10

2022 sa atubang sang Commission on Human Rights (CHR) *satellite office* para ipanawagan ang hustisya sa tanan nga mga nangin biktima sang pagpamatay, pagpang-aresto, kag iban pa nga mga paglapas sa tawhanon nga kinamatarung nga ginhimo sang estado, partikular na sa isla sang Negros. Suno sa mga grupo, naglab-ot sa 110 ang kaso sang EJK samtang, halin sa pangginahum ni Rodrigo Duterte, may ara na sang 141 nga bilanggong pulitikal sa 200 ka mga ginpang-aresto sa Negros, ilabi na sa hanay sang mga aktibista kag mga pesante. Ginkondenar man sang mga grupo ang pagpatay sa *peasant organizer* nga si Joseph Jimenez upod sang NDFP consultant nga si Ericson Acosta, sang mga pwersa sang 94th kag 47th IB.

Gintukod ang Kapatid-Negros, organisasyon sang mga pamilya sang mga bilanggong politikal, sadtong Disyembre 3, 2022 kag nakatigayon sang programa sa sulod sang Negros Occidental District Jail. Nagprotesta man ang grupo sa atubang sang Region 6 *satellite office* sang CHR para sa pagpanawagan sang agaran nga imbestigasyon sa nagalala nga paglapas sa tawhanon nga kinamatarung.

Ginkomemorar sang progresibo nga grupo ang ika-74 nga pangkalibutanon nga adlaw sang tawhanon nga kinamatarung, Disyembre 10, 2022, bitbit ang panawagan sang pagdula sa NTF-Elcac, untaton ang militarisasyon sa kaumhan kag pagpanukot sang hustisya sa mga pagpamatay nga ginhimo sang estado. Kadungan man sini ang pagpanawagan sang mga sandigan nga mga kinamatarung sang pumuluyo.

Nagmartsa pakadto sa *Fountain of Justice* sa Bacolod City sang Pebrero 25 ang progresibo nga hanay sa ika-37 nga pagsukat sang pagpahalin sa diktadurya ni Ferdinand Marcos Sr. Ila ginpanawagan ang hustisya para sa mga biktima sang paglapak sang tawhanon nga kinamatarung, kag pagsulong sa paghimakas para sa matuod nga kahilwayan kag demokrasya.

### 12% VAT, dulaon!

Ginhangkat si Bacolod City Mayor Albee Benitez sang mga konsumedor kag empleyado sang *water district* nga dulaon ang 12% *Value Added Tax* (VAT) sa utilidad sang tubig sa ila gintigayon nga *lighting rally* sa Bacolod Government Center, Enero 4. Ini matapos nga gintandaan sang grupo ang nahambalan nila sa tunga sang alkalde sa ginpatigayon nga dayalogo parte sa


VAT kag *Joint Venture Agreement* (JVA) sang BACIWA-Primewater.

### Sweldo-benepisyo!

Nagmartsa ang mga mamumugon, imol nga taga-syudad, kag mga pamatan-on sa ika-159 nga anibersaryo sang pagkabunag ni Andres Bonifacio para ipanawagan ang pagpataas sang sweldo-benepisyo sa tunga sang ginaatubang nga krisis pang ekonomiya sang Pilipinas, Nobyembre 30, 2022.

Nagpatigayon sang protesta sa atubang sang Department of Labor and Employment (DOLE) Region 6 *satellite office* sadtong Enero 23 ang progresibo nga grupo sang mamumugon para sukton sa ila papel angot sa mga bayolasyon kontra sa mga mamumugon. Ini kabahin sa patigayunon nga interbensyon sang *International Labor Organization High Level Tripartite Mission* sa mga paglapas sa kinamatarung sang mga mamumugon diri sa pungsod.

### Untaton ang reklamasyon!

Isa ka forum ang ginhimo sang Banago Against Reclamation Movement (BARM) sa Bacolod City para diskusyunan ang epekto sa palangabuhian sang pumuluyo bangud sa 621-ektarya nga *reclamation project* sa syudad, Enero 29. 





## Pulang Saludo!

# Legasiya nga nagpabilin kag ipadayon

SA SINI NGA ARTIKULO, GINDUMDOM naton ang kabuhi sang aton mga pamatan-on nga Pulang kumander nga naghalad sang pinakataas nga sakripisyo para sa kahilwayan sang ginapigos kag ginhimuslan. Sila ehemplo sang mga pamatan-on nga nagpakita sang matuod nga pagpalangga sang aton pungsod. Napatay man sila apang ang ila nga legasiya nagpabilin kag padayon nga ginhandum sang mga kaupod kag sa malapad nga masa nga ila gin-alagaran.

Si KA ALVIN/HANS (Jeren Vargas) naghalin sa isa ka rebolusyonaryo nga pamilya. Nabun-ag sadtong Oktubre 30, 1995, ika-apat siya sa lima ka mag-ulutod. Sa hubin pa, nahangpan na niya ngaa nga wala sa ila ang iya papa nga isa man ka Pulang hangaway. Nagdaku siya nga ginpahangop sang iya ginikanan kon ano ang matuod nga kahimtangan sang pungsod.

Pagkatapos sang haykul, nag-obra si Ka Alvin para makabulig sa pamilya. Tuig 2013, nagdesisyon siya nga magpultaym sa NPA. Mapisan siya sa trabaho kag ara ang kapagsik nga magpatuman sa mga pulitiko-militar nga mga hilikuton upod ang kolektibo nga pagbinuligay.

Sadtong 2017, nangin myembro siya sa Komite sang Larangan (KL) kag nagsentro na sa platon sang masswork yunit. Sa edad nga 25 anyos, si Ka Alvin nangin

sakop sa Kalihiman sang Komite sang Larangan (KH-KL) kag nag-akto na nga *Commanding Officer* (CO) sang Larangan.

Suno kay Ka Alvin, "ara ang akon kahandaon sa pag-atubang sa mga sakripisyo kag kabudlayan para sa rebolusyon hasta sa pinakataas nga lebel nga amu ang paghalad sang akon kabuhi."

Isa siya sa apat ka martir nga napatay sa engkwentro sang ASJC-NPA kag 6th Special Action Battalion sa Sityo Balik-balik, Brgy. Tabu, Ilog, Negros Occidental sadtong Setyembre 14, 2021.

Si KA JOHNNY, halin sa sahing mangunguma. Ginpanganak siya sang nabukid nga baryo sa banwa sang Calatrava, Negros Occidental. Wala siya nakatapos sang elementarya bangud nagbulig na sa iya ginikanan. Sa edad nga 12 anyos, nag-obra na siya sang pagkarga-tapas.

Nagpasakop siya sa Kabataang Makabayan (KM) sa ila lugar kag nangin aktibo sa mga rebolusyonaryo nga hilikuton. Nagpultaym siya sa NPA sang tuig 2017. Nangin maayo ang iya pagtungod sang mga hilikuton nga gintahas sa iya.

Nangin sakop siya sang KL sang tuig 2020.

"Ang aton armas para ini sa pagbato kag pagpangapin sa masa. Antes buhian ang armas, dapat wala na sang ginhawa." Ini ang mga tinaga nga masami mabastian sa iya. Napatay si Ka Johnny sa edad nga 25 anyos sang na-reyd ang iya tim sa balay nga iya gintineran sadtong Abril 15, 2022 sa Sityo Kulanos, Brgy. Caradio-an, Himamaylan City. Ginbuhis niya ang iya kabuhi para makaguwa kag makamaniobra ang iya mga upod.

Si KA NATSU naman halin sa imol nga taga-syudad sang Lapu-Lapu City, Cebu. Wala nakatapos sang pag-eskwela bangud nagtimbang siya sa iya ginikanan sa pagpangabuhi. Ang iya mga ginikanan aktibo man sa kahublagan sa kasyudaran amu nga dasig nahangpan ni Ka Natsu ang nagalungtad nga banggiangay sang sahi sa sistema nga malakolonyal kag malapyudal. Tuig 2017, sang nag-18 anyos, nagpultaym siya sa NPA pagkatapos sa iya integrasyon sa Hukbo.

Isa sa indi malipatan nga kinaiya ni Ka Natsu ang iya pagka-entusyastiko. Indi siya makitaan sang problema kag permi pasulong ang panindugan. Wala sang pagpangduhaduha sa pagtungod sa mga hilikuton.

"Legasiya..." sundan sa pahina 13





## Laygay Medikal

ANG AMOEBIASIS ISA KA SAHI sang impeksyon nga makaapektar sa tina-i. Tuga ini sang *amoeba* ukon isa ka sahi sang kagaw nga nagaresulta sang nagkalain-lain nga sintomas.

Mahimo nga magsulod sa lawas kag makalabot sa tina-i paagi sang masunod:

- \* Pag-inom sang kontaminado nga tubig
- \* Pagkaon sang kontaminado nga pagkaon
- \* Aksidente nga pag-uyat sang higko sang tawo nga kontaminado sang kagaw kag pagsaylo sini sa tubig kag pagkaon
- \* Indi tinlo kag indi husto nga pagpreparar sang pagkaon
- \* Paghugpa sang mga langaw kag tanga sa pagkaon



"Legasiya..." *halin sa pahina 12*

Ginpamatud-an niya ang iya kaisog kag wala sang pagduha-duha nga pag-atubang sa kaaway. Natirohan man siya kag ara na sa ulihi nga ginhawa pero wala sang pag-atras ang iya moral kag nagbilin pa sang mga tinaga nga, "indi kita maluya kag mahadlok, ipadayon ang rebolusyon tubtob sa kadalag-an."

Si Ka Natsu namartir sa isa ka taktikal nga opensiba sadtong Oktubre 2021 sa Brgy. Quintin Remo, Moises Padilla.

Si KA BEDAM (Virgilio Tam-ban) halin sa sahing nahanunga sa nahanunga nga mangunguma. Nabun-ag siya sadtong Marso 5, 1998 sa Brgy. Binobohan, Gui-hulngan City kag ika-tatlo sa apat ka mag-ulutod. Grade 11 ang nalab-ot niya sa burges nga eskwelahan. Tuig 2015, nangin katapo siya sang KM. Sadtong 2017, sa edad nga 19 anyos, nag-pultaym siya sang NPA.

Si Ka Bedam isa ka propa-gandista, artista kag mabuligon sa masa. Nakilal-an siya nga malulo

maghambal. Nagpakita siya sang kabakud sang rebolusyonaryong panindugan bisan pa nga gindakop sang AFP kag PNP ang iya amay sadtong Disyembre 2018 agud ipresyur siya nga magsurender. Isa siya sa mga pamatan-on nga kumander nga wala sang pag-pangduha-duha sa pagbaton sa hangkat sang pagpamuno.

Namartir si Ka Bedam sa edad nga 24 anyos matapos brutal nga ginpatay sang berdugo nga 62nd IB samtang naga-katulog upod sa duha pa ka kaupod sadtong Marso 9, 2022 alas 3:00 sa kaagahon sa Brgy. Amin, Isabela, Negros Occi-dental.

Si KA TATA/TINO nabun-ag sadtong Nobyembre 10, 1988 sa Brgy. Winaswasan, Calatrava. Ika-apat sa siyam ka mag-ulutod kag halin sa sahing mamumugon sa uma. Wala siya makaeskwela bangud nagtimbang sa iya ginika-nan. Nangin lider siya sang KM sadtong 2008.

Nagsulod siya sa NPA sang tuig 2009 kag sa hublag na nag-tuon nga magbasa kag magsulat.

### MGA SINTOMAS:

Mahimo nga indi makitaan ukon makabatyag sang sintomas ang may *amoebiasis* ilabi na kon indi ini malala. Apang masami, madamu sang mga tawo nga may *amoebiasis* ang maka-eksperyensya sang mga masunod nga sintomas:

Paglupot, paglupot nga may upod nga dugo ang tae, pagpanakit sang tiyan, pagbiring sang tiyan, pagpanakit sang tiyan samtang namus-on, hilanat, *dehydration* (kulang sang tubig ang lawas), pirme nga pag-utot, pagkadula sang gana sa pagkaon, nagaluya nga kalawasan kag dasig nga malapyo, pagnubo sang timbang

"Ano ang..." *sundan sa pahina 14*



NegrosRevPortal



Isa siya ka maayo nga kaupod, mapainuboson, nagapa-nguna sa mga hilikuton, mapisan, kag maayo man sa *carving*. Nag-akto siya nga Platoon Leader halin 2020 tubtob sa iya pagkapatay.

Nangin martir si Kaupod Tino sadtong Abril 14, 2022 sa eng-kwentro sa Sityo Tulong, Brgy. Enrique Villanueva, Sibulan, Negros Orier *AF*.

Singgit Namon Hustisya

KA PRENO (Ispading, Enero 2020)

AmDm

Nagapanukturaok na ang mga manok sa

Am

kaagahon

DmAm

Pumuluyo mahamuok pa ang katulogon

F E—E7

Ginpukaw sang asud-asod nga mga lupok

F E—E7

Pagsala-sala sa tuman nga kahadlok

Am

Mabatian ang mga singgitan nga nagapangayo sang tabang

DmAmDmAm

Indi ninyo kami pagsakiton kami mga sibilyan

Dm

Nagadanguyngoy sang hilibi-on, maluoy kamo

Am

sa amon!

F D

Ano gid bala ang amon sala nga inyo kami nga

E7

pamatyon

KORO

F GAm

Hustisya! Hustisya! Ang singgit namon

F GAm

Silutan ang mga army, pulis nga nag-operasyon

F

Sa Santa Catalina, Manjuyod, Guihulngan,

Am

Kanlaon

F E—E7

Oplan Sauron isa ka demonyo nga operasyon

Am

Sa pagbutlak sang adlaw patay nga lawas nagahamyangon

DmAmDmAm

Tadtad sa bala ang kalawasan kag dugoon

DmAm

Ini hinimuan sang mabangis kag sapat-sapaton

F G F E—E7

Nga walay kaluoy, mga walay balatyagon

(Balik sa KORO)

Am

Tama ka pintas ang reaksyunaryo nga estado

DmAmDmAm

Walay sala ang ila ginpamatay kag gindakop

DmAm

Sila mismo ang nagtudlo nga kita magbato

F G F

Magrebolusyon kag agud ang kinamatarung

E—E7

ipakigbato

F GAm

Hustisya! Hustisya! Ang singgit namon

F GAm—G—Am

Nga mga biktima sang Operasyon Sauron

"Ano ang..." halin sa pahina 13

PAANO MALIKAWAN:

- Pirme maligo agud mahugasan ang ano man nga kagaw nga nagpabilin sa lawas
- Maghugas sang mga kamot gamit ang sabon kag tubig ilabi na pagtapos mamus-on kag antes magkaon. Pirme tinloan ang kamot antes mag-preparar sang pagkaon
- Pabukalan ang tubig nga ilimnon kag gamiton sa pagluto agud mapatay ang mga kagaw
- Siguraduhon nga maayo ang pagtago sang mga pagkaon agud indi mahugpaan sang mga langaw, tanga, kag bisan ano nga insekto
- Hugasan sang maayo ang mga prutas kag utan nga ginbakal sa merkado

MGA PAMAAGI SANG PAGBULONG:

- Painomon sang ginpabukalan nga tubig (lika-wan ang indi tinlo nga tubig agud indi na maglala ang impeksyon)
- Kon naglupot, mahimo nga painomon sang oral rehydration solution (ORESOL) agud indi ma-hubsan sang tubig ang lawas
- Painumon sang anti-biotic: Metronidazole 500mg, katatlo ka beses sulod sa isa ka semana
- Painomon sang herbal: maglaga sang gamut sang kadlum, cobra-vine, abukado, saging kag bayabas

Dahon sang kadlom (spearmint)



PUNTOS SANG ACUPUNCTURE:

Large Intestine 4, Large Intestine 11, Stomach 25, Stomach 44, Stomach 36, Spleen 9